

## **Ala xa masenyi saxan nde Annabi Yaya naxan sebe Masenyi nde yi Kitaabui xa fe ra**

Annabi Yaya nan yi bataaxe saxan nde sebe danxaniyatɔe nde ma, naxan xili Gayu. A naxa a matɔxo barima a nu jɛrema nɔndi nan kui, a tondi ne na wule xaranyi ra naxan nu yensenxi na waxati.

Karamɔxo fanyie to siga Gayu xɔnyi, a naxa e rasene xanunteya ra. Na fe naxa rafa Annabi Yaya ma. Mixi naxan luma na mɔoli raba ra, a bara nɔndi nun xanunteya kolon. Ndee nu na danxaniyatɔee ya ma naxee mu nu wama na mɔoli rabafe.

Ala xa won mali alako won boje naxa balan Ala xa mixie mabiri. Amina.

## **Ala xa masenyi saxan nde Annabi Yaya naxan sebe**

### *Nɔndi kolonyie*

<sup>1</sup> N tan danxaniyatɔe pama xa kuntigi, n bara i xeebu, n xanuntenyi Gayu, n naxan xanuxi nɔndi xa fe ra.

<sup>2</sup> N xanuntenyi, Ala xa fe birin sooneya i be. I fate xa lu yalanyi kui alo i xa danxaniya yalanxi ki naxe.

<sup>3</sup> Won boore danxaniyatɔɛ ndee to fa n yire, e naxa a fala n bɛ i jɛrɛma nɔndi kui. N naxa sɛɛwa ki fanyi ra.

<sup>4</sup> Sɛɛwɛ yo mu dangima na mɔɔli ra, a kolonfe ra a n ma die na nɔndi kira nan xɔn ma.

<sup>5</sup> N xanuntenyi, i mɛɛnima xɔɲɛ danxaniyatɔɛɛ ma hali wo mu wo bore kolon.

<sup>6</sup> Ndee bara i xa xanunteya xa fe dɛntɛgɛ sa danxaniyatɔɛ ɲama bɛ. Danxaniyatɔɛ naxan yo dangima i xɔnyi, i xa e mali e xa biyaasi kui, alɔ Ala wama a xɔn ma ki naxɛ.

<sup>7</sup> E na Ala xa wali nan kui, danxaniyataree tan mu e kima.

<sup>8</sup> Won lan won xa kafu na mixi mɔɔli ma, alako won fan xa won gbe raba Ala xa nɔndi xa fe ra.

<sup>9</sup> N bara bataaxɛ nde sɛbɛ danxaniyatɔɛ ɲama ma, kɔnɔ Diyoterefi mu tinxi muxu rasɛnɛde barima a wama findife xunyi ra.

<sup>10</sup> N na fa wo yire, n dɛntɛgɛ sama nɛ wo bɛ a xa kɛwali xa fe ra. A muxu xili kanama, a man mu tinma danxaniyatɔɛɛ yigiyade. Hali naxee wama e yigiyafe, a tɔnyi dɔxɔma nee fan ma, a e kerɪ danxaniyatɔɛɛ ya ma.

<sup>11</sup> N xanuntenyi, i fe ɲaaxi naxan toma, i naxa bira na mɔɔli fɔxɔ ra. I fe fanyi naxan toma, i xa bira na nan fɔxɔ ra. Fe fanyi rabae na Ala nan bɛ, kɔnɔ fe ɲaaxi rabae tan mu Ala kolon.

<sup>12</sup> Birin fe fanyi falama Demetiri xa fe ra. Nɔndi yati a yɛtɛ kan seede baxi. Hali muxu tan muxu nɔma a xa fe seede bade. I a kolon muxu mu wule falama.

<sup>13</sup> N wama fe gbegbe falafe i bɛ, kɔnɔ n mu wama na rabafe sɛbɛli ra.

<sup>14</sup> A gbe mu luxi won xa lu yire keren, won xa sumun.

<sup>15</sup> Ala xa bɔnɛsa fi i ma. Muxu booree bara i xεεbu. I fan xa won xanuntenyie xεεbu muxu bε keren keren.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Evangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Evangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 18 Apr 2025 from source  
files dated 29 Jan 2022

f1d08866-ea3e-5b9b-b506-e7690c5c61d2